



黎里志

(两种)

黎里古镇保护开发管理委员会 编
吴江市档案局

下

广陵书社

图书在版编目 (C I P) 数据

黎里志 : 两种 / (清) 徐达源等撰 ; 黎里古镇保护
开发管理委员会, 吴江市档案局编. — 扬州 : 广陵书社,
2011. 7

ISBN 978-7-80694-733-3

I. ①黎… II. ①徐… ②黎… ③吴… III. ①乡镇—
地方志—吴江市—清代 IV. ①K295.35

中国版本图书馆CIP数据核字(2011)第155433号

- 书 名 黎里志 (两种)
著 者 (清) 徐达源等撰
陈其弟 点校
黎里古镇保护开发管理委员会、吴江市档案局 编
责任编辑 刘 栋
出 版 人 曾学文
出版发行 广陵书社
扬州市维扬路 349 号 邮编 225009
<http://www.yzglpub.com> E-mail: yzglss@163.com
印 刷 扬州市机关彩印中心
开 本 889 × 1194 毫米 1/32
字 数 450 千字
印 张 21.625
版 次 2011 年 7 月第 1 版第 1 次印刷
标准书号 ISBN 978-7-80694-733-3
定 价 65.00 元 (全二册)

(广陵书社版图书凡印装错误均可与承印厂联系调换)

黎里续志

（清）蔡丙圻 撰

陈其弟 点校

黎里续志卷首

参订

宜兴陈任旻寅谷
秀水沈成章达卿
秀水王希曾访沂
秀水蒋志行子英
吴江施绍书孚龠
吴江仲虎腾啸生
震泽徐世勋藻涵
震泽徐聿修竹安
震泽俞焕章文伯
震泽凌应霖甘伯
同里张深仁养吾
同里叶其焕蔚君
同里黄元芝沅芷
同里范曾泰蔚伯
同里陈元珍聘儒
同里黄福年淡安

校勘

吴江凌昌焕文之
吴江洪增蟾桂诒
同里沈正模百荣
同里蔡寅清臣

序

无缘则涣，有缘则萃，未闻有缘反涣而无缘反萃者也。余于介眉直刺，则独异焉。介眉籍隶吴江，余皖定人，涣也无缘也。丙申季秋，余来治吴江，萃也，是与吴江有缘也。

戊戌秋，介眉邮寄所著《黎里续志》属序于余。余不敏，胡敢言文？窃尝考之，国朝之治古文者实繁有徒，其最显者有三：一曰不立宗派，一曰桐城派，一曰阳湖派。介眉之文，不立宗派之文也。夫不立宗派者，蓄道德者能文章，茂绩勋者多著作。推之清流硕彦、名士高人，各书一己之性情，以写有生之遭际。使世之诵读其文，想像斯人，宛肖其形容，如闻其謦欬，往往大笔淋漓，而不屑求工于字句间者，一阅而知为何人之文，非他人之文所能淆混。仲尼所谓辞达而已，此不立宗派之文，率多类是。故曰介眉之文，不立宗派之文也。余心酷喜是，苦于学之不能逮，盖为才限也。

阅是志，有十六卷，其文之考覈经史，举凡古今形势、疆域山川、前后废兴、因益损革，笔之綦详。苟入其乡，而知有隐君子在也。至忠孝节义，有关于一乡之风化者，美

不胜书，文质彬彬，抑亦仁里俾览者有所奋兴焉。介眉有是志，其学可谓晚成矣。

介眉老而多疾，足不出户，余固无一面之缘也。谓无缘也，余胡来治斯邑邪？谓有缘也，介眉胡未一见邪？要之，无萃非涣，亦无涣非萃，天下事须达观可耳，奚必询其缘之有无也！介眉之文，余序之。吴江之来，盖结一文字之缘也，其它非吾所敢知己！

光绪戊戌九月，皖定方道济序。

自序

黎里之有志，创自乡先辈徐山民先生。体例谨严，搜采该博。纂成在嘉庆初，迄于今，阙纪载者九十馀年矣。顾地虽僻壤，而人文之秀与夫忠孝节义之表见，岂无卓卓可传者？中更粤寇之乱，而故家文献多半摧残。然其载诸诗文、传于父老者，犹昭昭在人耳目间。窃欲续为之，而学殖荒落，未敢以修辑为己任。乃见近年《吴江县续志》载黎里事独略，且多遗漏谬讹，不觉怦然心动者久之。席先人之泽，世居斯里，乐操土风，不忘本也。苟不及今条记之，更阅岁时，益复零落无考，不亦重吾里之耻耶？爰考论掌故，网罗旧闻，附以管见，积年得书十六卷，为《黎里续志》，冀后之来者有所考镜焉尔。《诗》曰：“维桑与梓，必恭敬止”，此则余之志也。若曰“文献无征，后生之责”，则非余所敢承矣！

光绪二十有三年太岁在丁酉冬至日蔡丙圻。

总 目

卷首

凡例

题咏撰文姓氏考

黎里镇全图

忠义祠图

众善堂图

育婴堂图

楔湖书院图

黎川义学图

卷一

沿革

界域

山水

里巷

水利

物产

方言

卷二

桥梁

祠庙 家祠附。

官舍 义仓附。

汛地 水栅附。

善堂 义渡、义庄附。

卷三

书院 义学附。

表坊

古迹 园第附。

纪兵

卷四

墓域 义冢附。

寺院

撰述

卷五

职官表

忠义表

贡生表

科第表

袭荫表

议叙表

吏仕表

例仕表

封赠表

乡饮表

恩寿

卷六

人物一

人物二

卷七

人物三

人物四

卷八

人物五

人物六

卷九

列女一

列女二

列女三

列女四

卷十

列女五

列女六

列女七

卷十一

寓贤

释道

卷十二

杂录

卷十三

集诗 词附。

卷十四

集诗

卷十五

集文

卷十六

集文

凡 例

一、前志断自嘉庆八年，距今九十年矣。恐他日更不可稽，爰不揣固陋，续成是编。已详前志者，今概不录。间有前志未载者，亦补纂之。

一、是编体例一遵前志，不敢有所损益也。如分星、形胜、山水、风俗，皆无可续。至祠庙、桥梁、寺院之兴废，人物之出处，与夫荒刹古冢、断碣残碑、故老传闻、缙流谈往，足可征信者，靡不搜罗，聊以备府县志之采择尔。

一、前志载黎里四栅及附镇五里以内者，今悉遵之。如附近之池亭、长田、大月、西濠港等处，前志已有收入者，因推广及之。

一、里志与县志、府志体例悉同，仅异详略，故凡事与人之可资考鉴者，巨细无不书，不敢过求简省，致览者憾于事辞之不足。

一、社仓、善堂、义渡、义庄，皆前志未有，今以社仓附“官舍”后，馀悉附“善堂”后。

一、忠义，前志所无，今特立一表，援先行后文之例，列科第之前。

一、撰述，诸书无论已刻、未刻，或但目见于其传与他

人之书而有可称述者，皆为胪列，盖不敢没操觚者之苦志也。惟著书之人尚存者，姑俟异日录焉。

一、水利、纪兵、袭荫诸篇，前志皆未有，今增入。

一、仕宦、政事、布衣、独行，有一艺可称者，自不可遗。其或立传，或载“杂录”。其下语之轻重，各如其人之分量，不敢意为轩轻。

一、京、外官实任及候补、候选者所请封典，悉载入；其例捐职衔者不录。

一、列女先后次序，无从考证，只就旌表年月略为编次。其未旌者，既符年例，随时汇请旌表。及贤淑有才者，不限年岁，一律载入。

一、流寓，凡同郡人例不得书，此县志则然耳。若纪载一隅之地，不特他邑应书，即同邑而隶别处者，亦可谓之流寓，今一并收入。或偶尔经游，未尝淹留者，概不妄为攀附。

一、集诗、集文，择其于地与人与事无傅会、有阐发者录之，非专取词之工也。若其制出钜公名人，可增光一里而非傅会者，虽无甚阐发，亦录之。

一、采用诸书有全用原文者，则直注书名；有用其原文而别次第之，或加辨正者，则曰本。或以所见增损之者，则曰参。凡以求事之核且详而已，不敢攘善也。

一、书册之外，有谱传、行状、墓铭、碑记、逸事之属，其中精覈者固多，傅会凿空者亦不少，皆必参考载籍，遍访舆论，得显征确据，而后取用之。

一、昔人于每篇之首多冠以小序，今惟于义例当发明

者为之，馀悉从略。

一、旧闻、轶事及人物事迹，实有可载，一时采访未周，或散见他书不及稽考，以一人之心力，搜辑遗僻，自知挂漏实繁，惟冀博雅教以不逮，应补、应易，即当改正。

题咏撰文姓氏考 凡已详前志及见表传杂录者，不更列。

明

袁黄。字坤仪，号了凡，吴江赵田人。浙江嘉善籍。万历十四年丙戌进士，官兵部职方司主事，追赠尚宝司少卿。有《群书备考》、《两行斋集》。

国朝

李治运。字宁人，号漪亭，吴江人。雍正八年庚戌进士，官至浙江按察使。有《漪亭诗文集》。

吴张元。原名燮，字万长，吴江人。常熟诸生。乾隆元年丙辰荐举鸿博。

彭希郑。字会英，长洲人。乾隆四年己未进士，官至湖南岳常澧道。有《耕餘论古》、《春草闲房诗》、《酌雅斋古文》。

阿桂。章佳氏，字广庭，号云岩，满洲正白旗人。乾隆三年戊午举人，官至武英殿大学士、一等诚谋英勇公。赠太傅，谥文成。

钱载。字坤一，号箴石，晚号万松居士，浙江嘉兴人。乾隆元年丙辰荐举鸿博，十七年壬申进士，官至礼部侍郎。有《箴石斋集》。

翁方纲。字正三，号覃溪，顺天大兴人。乾隆十七年壬申进士，官至内阁学士，左迁鸿胪寺卿。重宴琼林，加二品衔。有《两汉金石记》、《复初斋诗文集》。

王昶。字德甫，一字琴德，号兰泉，晚号述庵，青浦人。乾隆十九年甲戌进士，官至刑部侍郎。有《春融堂集》、《金石萃编》、《青浦诗词传》、《湖海诗文传》、《国朝词综》、《明词综》、《征缅纪闻》、《蜀微纪闻》、《滇行日记》、《属车杂志》、《滇轺纪程》、《适秦日记》、《商洛豫章行程记》、《雪鸿再录》、《使楚丛谈》、《台怀随笔》、《青浦县志》、《太仓州志》、《蒲

褐山房诗话》、《天下书院志》、《朝闻录》。

黄子真。字源父，号仙渔，震泽人。有诗长。

林蕃钟。字煜奇，号蠡艇，元和人。乾隆三十三年戊子举人，官娄县教谕。

潘奕隼。字守愚，号榕皋，晚号三松居士，吴县人。乾隆三十四年己丑进士，官户部主事。重宴琼林，加四品卿衔。有《说文蠡笈》、《居易金针》、《三松堂集》。

方昂。字叔驹，山东历城人。乾隆三十六年辛卯进士，官至江苏布政使。

铁保。栋鄂氏，字冶亭，号梅庵，正黄旗人。乾隆三十七年壬辰进士，官至两江总督。有《梅庵诗钞》。

韩是升。字东生，号旭亭，吴县人。诸生。有《听钟楼诗稿》、《洽隐园文钞》。

法式善。伍尧氏，本名运昌，奉旨改今名。字开文，一字梧门，号时帆，蒙古正黄旗人。乾隆四十五年庚子进士，官至国子监祭酒。有《及见集》、《素存堂诗文集》。

赵怀玉。字亿孙，号味辛，晚号收庵，武进人。乾隆四十五年庚子，召试举人。官内阁中书，迁山东兖州府同知。有《亦有生斋集》。

方维甸。字南耦，号葆岩，安徽桐城人。乾隆四十六年辛丑进士，官至浙闽总督。谥勤襄。有《心兰室稿》。

彭希濂。字溯周，长洲人。乾隆四十九年甲辰进士，官至刑部侍郎。

孙星衍。字伯渊，号渊如，一号季述，阳湖人。乾隆五十二年丁未第二人及第，授编修，改刑部主事，官至山东督粮道。有《集古文尚书马郑王注》及《逸文尚书古今文义疏》、《周易集解》、《夏小正传校正》、《魏三

礼石经残字考》、《仓颉篇》、《孔子集语》、《〈史记·天官书〉考证》、《寰宇访碑录》、《平津馆金石萃编》、《孙氏家藏书目内外编》、《续古文苑》、《澄清堂稿》、《济上停云集》、《租船咏史集》、《冶城絮养集》、《问字堂集》、《岱南阁集》、《平津馆稿》、《五松园稿》、《嘉谷堂芳茂山人诗录》、《雨粟楼集》。

阮元。字伯元，号芸台，仪征人。乾隆五十四年己酉进士，官至太子太保、体仁阁大学士。重宴鹿鸣，加太傅。谥文达。有《十三经校勘记》、《经籍纂诂》、《四库未收书目》、《山左金石志》、《两浙防护录》、《经郭》、《海运考》、《两浙金石志》、《积古斋钟鼎款识》、《畴人传》、《江苏诗征》、《淮海英灵集》、《两浙輶轩录》、《研经室集》。

伊秉绶。字组似，号墨卿，福建宁化人。乾隆五十四年己酉进士，官至扬州知府。有《留春草堂诗草》。

尤维熊。字祖望，号二娱，长洲人。乾隆五十四年己酉拔贡生，官云南蒙自知县。有《二娱草庐诗词钞》。

石韞玉。字执如，号琢堂，吴县人。乾隆五十五年庚戌第一人及第，官至山东按察使。有《读左卮言》、《汉书刊误》、《独学庐集》。

张问陶。字仲冶，号船山，四川遂宁人。乾隆五十五年庚戌进士，官至山东莱州知府。有《船山诗集》。

李汝栋。字翠岩，号雪园，山西夏县人。嘉庆八年官吴江知县。有《海陵小草》。

唐仲冕。字六枳，号陶山，一字露蟬，湖南善化人。乾隆五十八年癸丑进士，官陕西布政使、陕西巡抚。有述撰《岱览》、《陶山诗文集》。

李廷芳。字湘浦，山东历城人。乾隆五十九年甲寅举人，嘉庆二十年官吴江知县。

王晁。字仲瞿，浙江嘉兴人。乾隆五十九年甲寅举人。有《烟霞万